

Hainrichs³ von werdenberg von Sangans elichù frôw^h, mit dem selben Grâf^a Hainrichen³ jrem elichen manne, vnd Rechten vogt. vnd offnot da vor mir vnd offem gericht. mit dem selben jrem vogt. vnd fürsprechen. vnd sprach. Sÿ wâr lieplich vnd fruntlich jn ain vnd vberain komen. mit jrem lieben sun. Grâf^a fridrichen⁴ von Thoggenburgⁱ. Grâf^a Diethelms sâligen sun von Thoggenburgⁱ. vnd och mit sinen geschwüstergiden⁵. och jren Rechten vnd lieben kinden, Also das si sich gen jnen allen. entziehen vnd verziehen. vnd jnen och vnd allen jren erben. fûr sich vnd alle jr erben. aÿgenlich^k vnd Eweklich ergeben vnd vffgeben wôlti. Alles das ligent vnd varent gût. so der egedâcht^r Grâf^a Diethelm sâlig von Thoggenburgⁱ. nach sinem tode vnd abgang hinder jm gelâssen^r hett, es wârint lût oder ândrû gûter, was das wâr ald wie das alles gehaissen oder genant wâr, aÿgen^k oder lehen. benempt ald vnbenempt wissent ald vnwissent gesûcht ald vngesûcht. wâ^r ald an welchen stetten. oder jn welchen gerichtten Twingen oder Bânnen. das gelegen wâr, vnd sunderlich von jr hainstûr vnd Morgengâb^c wegen. vnd mit namen. der Aÿgenschaft⁶ vorderung vnd ansprâch^r. vnd och alles des Rechtes so sÿ^k hebt hett. an der vesti genant^k Rûdberg⁶. vnd an allen den lûten vnd gûtern. so darzû vnd darin gehortint^r von Recht ald von gewônheit^r, Vnd wolti sich och des also gar vnd gantzlichen^m entziehen vnd verziehen. vnd jnen vnd jren erben ze vrtât^r vff. geben. vntzⁿ an die Sechs Thusent^o guldin. die sÿ^k jr da fûr Richten vnd geben soltint. nach des vsspruch briefs. vnd des hoptbriefs. lût vnd sag. die baÿd darvber besigelt geben vnd gemacht wârint. vnd och vntzⁿ an den zins die fûnff hundert^r guldin. die jr jârglich von den selben Sechs thusent^o guldin gevallen. soltin^o. Vnd do dis alles also vor gericht geoffnot vnd fûr geleit^r ward. do batt^r jr dû vorgedâcht^r fro . . . katherin von werdenberg. jren fürsprechen. an ainer vrtail ze ervarent; wie sÿ^k dis vorgeschriben entziehen vnd vffgeben^r. gen den egenanten jren kinden tûn vnd vollefûren solti, als Recht wâr. vnd das es . . . krafft^c vnd macht hett. vnd da mit och dû selben jrû liebû kind. vnd der erben. nv vnd hie nach versorget wârint, Do frâgt^c ichⁿ vorgenanter Grâf Rûdolf